

önjt Galerie Café önj Lunham. As geeste köö Luise Clasen Christiane Bodenhagen än schoulere foont dānsch schölj üt Bräist begröote.

- Tut floose-ütloosen foon e **3. EUROPEA-DA** önj e juuni 2016 wjarn twane foon üusen feriin e 14. detsämber eefter Söödtiroom räisd. Jü frasch "natsjonaalmoonschap" füng ma Söödtiroom, Oberschlesien üt Poolen än et Manx-tiim foon e Isle of Man swääre mötjstönjere tuloosd.

- Tut **wunterfäst** ma gräinküüljääsen önj Risem di 5. februar kömen 110 lasmoote än waane foon e Foriining. Eeftert gräinküülj jäif et live-musiik ma Elke Boysen än Malte Lindenberg, än we köön jarling uk wi en nai teoterstuk präseentiire: "Am eenmen önj e läase harfst", ouerseet än amseet foon Gary Funck.

- Tut **biikebrānen** häin da frasche feriiine önjt toorp tujarst tut iilj eefter Lunham än awäädrrie tut fäst eefter Risem önjt "Fraschlönj" låāsīd. E biikenreede wōrd hūlen foon dr. Karin Haug. Eeftert teoter ma "Loriot aw frasch" foon e Rökeloose jäif et dan diskomusiik ma Dirk Bork.

- Foon e 11. bit 13. märts gäng et dan am ålet, wat huum ouer en hiirspal liire koon bai en **friisk teoterseminaar** önj e Nordsee-Akademie önj Leek. Dåt as en projākt, wat Foriining arks iir tuhuupe ma e Frasche Feriin for e Åāstermāāre döorfjart.

Wat as ouers nuch schaid?

- **Et stjör** heet ham önjt fergāngen ārbesiir soowen tooche tu meetinge drāāwed, am da feriiinsaktiwitāate tu ploonen än eeftertubehooneln.

- Üusen **ālerekklub** drāāwet ham widerhaane iinjtooch önj e moune önj Lunham önjt Galerie-Café tu en meekliken eeftermadi ma forleesen, schungen, koordepaalen än snāāk.

- Üusen naie repräsentant önjt stjör foon ep dānsche schöljferiin as **Anne Kristiene Hahn**. Jü heet di bāntje foon Sieke Peters ouernūmen, wat intwasche bai e schöljferiin önjstald as.

- Foon üus lasmootebles **"Friisk Tising"** san trii ütgoowe rütkiimen.

- Üusen lasmoot **Karin Haug** as for tou iir kiised wōrden as repräsentant foon da trii manerhäide (frasche, dānsche än plāāt-tjūsche) önj e ZDF-meedierādj.

- Awt kantoor önjt Friisk Hūs koon huum naie **frasche lukwanschkoorde** fūūnj.

- Bai Friisk Funk än önjt internet koon huum uner "friiskforiining.podspot.de" foon moundi bit fraidi **tisinge aw frasch** hiire, en tiinst foon e Friisk Foriining.

- Et as üusen treede formoon än **SSW-loondāismoon Lars Harms** loked, ma SPD än Grāine en nai "manerhäide-gesāts" aw e wāi tu braingen. Sū wārde t.b. önj da näiste iirnge aw da haanewisschilde eefter Fraschlönj di frasche toorpsnoome tufāiged.

- Üusen dialoog ma e dānsche schöljferiin heet nü deertu fjard, dāt et sunt august 2015 **fraschunerrucht** aw da dānsche schoule foon Hūsem än Taning jeeft.

- Tuhuupe ma Nord- än Söödsaswikere fāāre we da kaamene tou iir en projākt döör, wat "**Adding Sights**" hāt, än weer frasche, dānsche än tjūsche manerhäide-teoterspaalere jam dan ooge deege önj Leek inkwariire, en teoterapgoowe foue än deerma aw en latj turnee gunge. Et projākt wārt stiped ma KursKultur-neetwārkmadle.

Wat kamt aw üs tu?

- **Hāililönj-drāāwen** (3. bit 5. juuni)

- **Europeada** önj Söödtiroom (18. bit 26. juuni)

- **5. Friesisch-Historisches Treyben** önj Naibel (18./19. juuli)

- **Sprākerāis eefter Jersey** (12. – 18. august).

- **Samerütfluch** (10. septāMBER)

- **Naie frasch-kurse** önj Risem Schölj (12./13. septāMBER)

- **29. Friisk Harfsthuuchschölj** önj Jarplund (30. septāMBER. – 3. oktober)

- **6. European Minority Film Festival** önj Hūsem (23. bit 26. nowāMBER)

Anneliese Kühne – 70 iir lasmoot



Bait leest drāāwen foon e ālerekklub foon e Friisk Foriining önjt Lunhamer Galerie-Café füng Anneliese Kühne as latjen tunk for ouer 70 iir lasmootschap önj e Friisk Foriining en struus rouse foon Luise Clasen ouerdānj.

Anneliese Kühne, tul. Jürgensen, wōrd e 23. oktober 1924 önj Klookris tulāid, jü booget diling önj Naibel.

Impräsum: Friisk Foriining, Friisk Hūs,
Süderstr. 6,
25821 Bredstedt/Bräist
ViSdP: Manfred C. Nissen